



Regionalni centar Mostar

Broj:02/6-1/III-16-D- 1- 2268-11/09

Mostar, 02.07.2009.godine

Na osnovu člana 66. Zakona o porezu na dodatu vrijednost („Službeni glasnik BiH, broj:9/05, 35/05 i 100/08) i člana 127. Pravilnika o primjeni Zakona o porezu na dodanu vrijednost („Službeni glasnik BiH broj:93/05, 21/06, 60/06, 6/07,100/07 i 35/08) kao i člana 8. Instrukcije o postupku uvođenja posebne šeme dužnika ( „Službeni glasnik BiH“, broj:35/08) šef Grupe za prinudnu naplatu donosi sljedeće:

## R J E Š E N J E

1. UVODI SE POSEBNA ŠEMA DUŽNIKA FARMER MESNA INDUSTRIJA d.o.o. adresa/ sjedište firme: Antuna Mihanovića 5 Široki Brijeg, odgovorna osoba: Jozo Slišковић, ID broj: 4272167900008, PDV broj: 272167900008 za dug po osnovu poreza na dodatu vrijednost u iznosu od 942.932,28 KM.

2. Poreski obaveznik je dužan da u svoje fakture za isporuke licima koja su registrovana za PDV unosi sljedeću klauzulu: **“Iznos PDV-a naveden u ovoj fakturi se plaća Upravi sa pozivom na identifikacioni broj: 272167900008“.**

3. Lice registrovano za PDV koje kupuje dobra i usluge od isporučioaca FARMER MESNA INDUSTRIJA d.o.o. Antuna Mihanovića 5 Široki Brijeg plaća iznos PDV-a direktno Upravi.

4. Iznosi PDV-a zadržani tokom poreskog perioda, plaćaju se do 5. u mjesecu za prethodni poreski period.

U istom roku poreski obaveznik kupac je dužan dostaviti Upravi za indirektno oporezivanje listu sa podacima za prethodni poreski period za poreskog obveznika dužnika prema kojem je rješenjem uvedena posebna šema, lista treba da sadrži sljedeće:

- iznos zadržanog PDV-a
- identifikacioni broj isporučioaca dobara ili usluga
- identifikacioni broj primaoca dobara ili usluga koji je zadržao iznos PDV-a.

5. Posebna šema se primjenjuje od 02.07.2009. godine

6. Dužnik nad kojim se uvodi posebna šema **FARMER MESNA INDUSTRIJA d.o.o. Antuna Mihanovića 5 Široki Brijeg**, obavezan je da rješenje kojim se utvrđuje obaveza plaćanja po posebnoj šemi istakne u poslovnim prostorijama na vidno mjesto zajedno sa uvjerenjem o registraciji za PDV.

7. **Žalba ne odlaže izvršenje rješenja.**

8. **Ovo rješenje će biti objavljeno u Službenom glasniku BiH i u tri najčitanije dnevne novine, „Nezavisne novine“, „Avaz“ i „Večernji list“.**

## OBRAZLOŽENJE

Dana 13.05.2009. godine Šefica Grupe za obradu poreskih prijava obratila se aktom u formi prijedloga za uvođenje posebne šeme dužnika, Grupi za kontrolu velikih poreskih obveznika, u kojem se poziva na član 3. Instrukcije o postupku uvođenja posebne šeme dužnika („Službeni glasnik BiH“, broj:35/08) analizom dugovanja poreskog obveznika – dužnika MESNA INDUSTRIJA d.o.o. Antuna Mihanovića 5 Široki Brijeg, a prema pokazateljima iz PDV prijava, potrebno je izvršiti inspekcijsku kontrolu s ciljem utvrđivanja opravdanosti uvođenja posebne šeme dužnika. Šef Grupe za kontrolu velikih poreskih obveznika izdao je nalog za kontrolu broj:04/5-3/III-17/000109/09 dana 19.05.2009. godine na temelju saglasnosti za pokretanje kontrole od Šefa Odsjeka za kontrolu velikih poreskih obveznika.

Na temelju izdatog naloga inspektor Grupe za kontrolu velikih poreskih obveznika sačinio zapisnik o kontroli sa aspekta procjene sljedećih kategorija:

- bilans stanja;
- bilans uspjeha;
- izvještaj o novčanim tokovima.

Protiv dužnika **FARMER MESNA INDUSTRIJA d.o.o. Antuna Mihanovića 5 Široki Brijeg**, Grupa za prinudnu naplatu RC Mostar, pokrenula je postupak prinudne naplate duga nastalog po prijavi samooporezivanja poreza na dodanu vrijednost za porezne periode 0901 i 0903 izdavanjem naloga za prinudnu naplatu broj:02/6-1/III-16-D-1-2268/09 od 27.04.2009. godine.

Dužnik u roku od 10 dana od dostavljanja naloga nije izvršio uplatu duga, pa je izdat nalog za pljenidbu i pismena izjava o pljenidbi novca sa bankovnih računa. Svi bankovni računi su blokirani ili ugašeni.

Dana 20.05.2009. godine Grupa za prinudnu naplatu je izdala pismenu izjavu o pljenidbi gotovine na blagajni preduzeća, naplaćen iznos 6.171,52 KM.

U toku provođenja postupka prinudne naplate prema članu 13. Zakona o postupku prinudne naplate dana 25.05.2009. godine od Grupe za kontrolu velikih poreskih obveznika zaprimili smo zapisnik o izvršenoj kontroli broj:04/5-3/III-17/000109-3/09 od 22.05.2009. godine; kao i dokumentaciju kojom je raspolagala ova Grupa a odnosi se na kontrolu dužnika

- Kopija inicijative za provedbu kontrole od Grupe za obradu poreskih prijava;
- Kopija saglasnosti za pokretanje kontrole;
- Kopija naloga o kontroli
- Dokazi koji čine spis predmeta

Ova odluka temelji se na instrukciji o postupku uvođenja posebne šeme dužnika („Službeni glasnik BiH, broj:35/08).

Dug u iznosu **942.932,28 KM** sastav i period iz kojeg potiče

R.br	Vrsta duga	Period duga	Iznos duga
1.	Glavni dug	0901 0903	3.920,00 KM 834.158,00 KM
2.	Naknadni teret prinude	0903	66.424,28 KM
3.	Kamate	0901 0903	321,00 KM 40.040,00 KM
<b>UKUPAN DUG</b>			<b>942.932,28 KM</b>

Članom 66. stav 3. Zakona o porezu na dodatu vrijednost propisana je mogućnost da UINO naloži za određene registrovane poreske obveznike koji su u dugu – dužnike da se PDV na isporuke registrovanim obveznicima PDV-a plati od strane primaoca isporuke.

Ovakav način plaćanja podrazumjeva uvođenje posebne šeme dužnika koja se primjenjuje u ovom slučaju na obveznika FARMER MESNA INDUSTRIJA d.o.o. Antuna Mihanovića 5 Široki Brijeg, iz razloga što je u pitanju značajan iznos poreskih prihoda, te bih se uvođenjem posebne šeme izbjeglo dodatno akumuliranje duga, kao i efikasnija naplata već dospjelog duga.

Kontrolom utvrđeno sljedeće stanje obaveza koje ukazuje na potrebu uvođenja posebne šeme, a radi zaštite prihoda UINO:

Na kontu 0111 projektna i druga dokumentacija na dan 30.04.2009. godine, utvrđen je iznos na saldo dugovnoj strani od 1.350,53 KM.

Na kontu 0188 ostala nematerijalna sredstva na dan 30.04.2009. godine utvrđen je iznos na saldo dugovnoj strani od 18.526,96 KM.

Na kontu 1010 zaliha sirovine i materijala na dan 30.04.2009.godine utvrđen je iznos na saldo dugovnoj strani od 70.481,12 KM. Porezni obveznik bi mogao izvršiti prodaju navedene projektne dokumentacije, nematerijalnih sredstava u ukupnom iznosu 90.358,61 KM te je putem posebne šeme dužnika potrebno zaštititi ova sredstva.

Takođe na kontu 1050 avans (inozemni dobavljači) za nabavku materijala utvrđen iznos na saldo dugovnoj strani od 1.433.530,40 KM, što znači da bi obveznik mogao da izvrši nabavku sirovine i materijala, pa samim tim i prodaju iste.

Uvidom u činjenice dostavljene kontrolom obveznika smatra se opravdanim i ekonomičnim postupak uvođenja posebne šeme dužnika radi zaštite potraživanja u iznosu 1.523.889,01 KM po gore navedenim kontima.

Grupa za prinudnu naplatu je dana 01.06.2009. godine dostavila dužniku **FARMER MESNA INDUSTRIJA d.o.o., pismo namjere**, protokolirano brojem:02/6-1/III-16-D-2268-10/09 u kojem ga obavještava o iznosu duga i namjeri uvođenja posebne šeme u roku od 30 dana ako dužnik ne izmiri dug ili ne obezbjedi adekvatnu garanciju za plaćanje duga. U pismu namjere dužniku ukazano na obaveze koje mu se stavljaju na teret uvođenjem u postupak posebne šeme. Kako obveznik u ostavljenom roku se nije oglasio bilo uplatom ili obavještenjem o mogućnosti obezbjeđenja adekvatne garancije, a dug je samo uvećan u proteklih 30 dana odlučeno je da se na ovog obveznika primjeni posebna šema radi obezbjeđenja naplate. Prilikom donošenja odluke o uvođenju posebne šeme dužnika Grupa za prinudnu naplatu rukovođila se sljedećim razlozima: iznos duga, rizik po javne prihode, kao i procjenom smanjene vjerovatnoće za naplatu poreza na dodanu vrijednost bez uvođenja posebne šeme, kao i općim ekonomskim izgledom poreskog obveznika u budućnosti.

#### **Pouka o pranom lijeku:**

Protiv ovog rješenja može se uložiti žalba prvostepenom organu u roku od 15 dana od dana prijema rješenja, neposredno ili poštom, taksirana sa 10 KM administrativne takse u skladu sa tarifom Zakona o administrativnim taksama BiH (Službeni glasnik BiH; broj:16/02,19/02,43/04,8/06 i 24/06).

#### **Dostaviti:**

1. Dužniku **1 X**
2. **2X 3** seta primjeraka u tri jezične varijante na dva pisma (2 seta po tri rješenja u tri jezične varijante i na dva pisma Sektoru za poslovne usluge – Odsjek za prinudnu naplatu za objavu u glasilima: „Nezavisne novine“, „Večernji list“, i „Avaz“)
3. Grupa za kontrolu velikih poreskih obveznika **1X**
4. Grupa za prinudnu naplatu **1X**
5. Grupa za obradu poreskih prijava **1X**



**Šef Grupe za prinudnu naplatu**

**Ranko Godunović, dipl.prav.**



**Regionalni centar Mostar**

Broj: 02/6-1/III-16-D-1-2268-13/09  
Mostar; 22.07.2009. godine

Na osnovu člana 22. Zakona o upravi za indirektno oporezivanje („Službeni glasnik BiH“, broj: 89/05) i člana 143. Zakona o postupku indirektnog oporezivanja („Službeni glasnik BiH“ broj 89/05), Šef Grupe za prinudnu naplatu, donosi

**RJEŠENJE  
o ispravci**

1. **Ispravlja se** rješenje Uprave za indirektno oporezivanje, Odsjeka za pružanje usluga, Grupe za prinudnu naplatu broj: 02/6-1/III-16-D-1-2268-11/09 od 02.07.2009. godine, kojim se **UVODI POSEBNA ŠEMA DUŽNIKA FARMER MESNA INDUSTRIJA d.o. o. Adresa /sjedište firme: Antuna Mihanovića 5, Široki Brijeg, odgovorna osoba: Jozo Slišковиć, ID broj: 4272167900008, PDV broj: 272167900008 za dug po temelju poreza na dodanu vrijednost u iznosu od 942.932,28 KM**, tako što se:

- u dispozitivu rješenja, u tački 9., briše se :“ovo rješenje će biti objavljeno u Službenom glasniku BiH i u tri najčitanije dnevne novine : „Nezavisne novine“, „Avaz“ i „Večernji list“ „ i upisuje „ovo rješenje će biti objavljeno u „Službenom glasniku BiH“ i dnevnim novinama“.

2. Ovo rješenje o ispravci se prilaže izvorniku rješenja koje se ispravlja i čini njegov sastavni dio.

3. Ovo rješenje o ispravci rješenja proizvodi pravno dejstvo od dana kada pravno dejstvo proizvodi rješenje broj: 02/5-1/III-16-D-1-2268-11/09 od 02.07.2009. godine

**OBRAZLOŽENJE**

Uprava za indirektno oporezivanje, Odsjek za pružanje usluga, Grupa za prisilnu naplatu je 22.07.2009. godine pokrenula postupak za ispravku rješenja 02/6-1/III-16-D-1-2268-11/09 od 02.07.2009. godine.

Uvidom u rješenje broj: 02/6-1/III-16-D-1-2268-11/09 od 02.07.2009. godine, utvrđeno je da je greškom upisano da će ovo rješenje biti objavljeno u „Službenom glasniku BiH“ i u tri najčitanije dnevne novine : „Nezavisne novine“, „Avaz“ i „Večernji list“, te se isti mijenja i upisuje da će ovo rješenje biti objavljeno u Službenom glasniku BiH i dnevnim novinama“.

Članom 143. Zakona o postupku indirektnog oporezivanja ( "Službeni glasnik BiH", broj: 89/05), propisano je da Rješenje o ispravci donosi isti organ koji je donio rješenje koje sadrži greške.

Shodno navedenom, Uprava za neizravno oporezivanje, Grupa za prinudnu naplatu donijela je odluku kao u dispozitivu ovog rješenja o ispravci.

Dostavljeno:

1. dužniku 1x
2. 2x3 seta primjeraka u tri jezične varijante na dva pisma ( 2 seta po tri rješenja u tri jezične varijante i na dva pisma Sektoru za poslovne usluge-Odsjek za prinudnu naplatu za objavu u „Službenom glasniku BiH“ i dnevnim novinama)
3. Grupa za kontrolu velikih poreznih obveznika 1x
4. Grupa za prinudnu naplatu 1x
5. Grupa za obradu poreznih prijava 1x



Šef Grupe za prinudnu naplatu.

Ranko Todorović, dipl.prav.